



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Art. I. Mundus.

[urn:nbn:de:hbz:466:1-46065](#)

MARIA sit Domus Sapientiae latissimè explicat Richardus à S. Laurentio lib. x. de laudib. B. V. à pag. 609. Verum, totam hanc expositionem, sive illa dicenda sit Allegorica, sive Mystica, sive Accommodatica pertractamus accuratè in Encomiastis Mariensis, & opusculo Architectonico cui titulus,

MARIA DOMUS MYSTICA.



SERMO VI.

DOMVS SAPIENTIAE

Sensu Physico

MUNDUS.

HÆBRÆI in Sanedrim apud Galatin. lib. 3. de Arcan. fidei. cap. 3. ita Salomonis sententiam exponunt, *Sapientia edificavit sibi Domum suam*, id est, Deus per Sapientiam creavit Mundum. Dolavit columnas eius septem: id est, ordinavit septem dies primordiales creationis Mundi, quibus omnia creavit, formavit & suis locis, ordinibusq; quasi per columnas distinxit. Immolavit victimam suam, vel coxit victimam suam, vel decoctionem suam: per hoc intelliguntur maria, flumina & omnia Mundi necessaria. Misit puellas suas, ut revocarent. Hi sunt Adam & Eva. Eandem interpretationem habet R. Salomon proverbior. I.

Ex Christianis Doctoribus, Potho Presbyter Pruemensis eundem sequutus interpretandi modum, sive physicè, sive symbolice, ita commentationem suam de magna Domus Sapientiae orditur. Dominus Sapientiae fundavit terram, stabilivit cælos prudentia. Initio namque Dominus terram fundavit, & opera manuum eius sunt cæli. Cælum & Terra

duo

duo sunt gaudia Mundi corpora. Ergo cælum & terra, & universa, quæ cæli ambitu continentur Domum unam constituant. Magna est hac Domus Dei, & ingens locus possessionis eius: Terra videlicet, & plenitudo eius: orbis terrarum, & universa quæ habitantur in eo Sapientia Dei, quæ ædificavit hanc Domum, excidit columnas septem. Quæ nam sunt illæ? Sex dies, quibus in primordio mundi Deus operabatur, & septima dies, in qua requieviscebat ab operibus suis sacra-scriptura testatur, septem sunt Columnæ, quibus Mundi fabrica, quæ est Domus Sapientiæ sustentatur.

DE INDE septem Columnis dierum, adjungit septem alias, nempe Septem Spiritus, sive septem Dona Spiritus sancti quibus tota mundalis machina sustinetur, conservatur, & quoad septem dierum opera ac quietem animatur. Hos autem Spiritus vel Dona ita distribuit. Primæ diei, in quâ divisit Deus lucem à tenebris: Angelos lucis ab Angelis tenebrarum: adsignatur *Spiritus timoris*, terribile Dei Judicium perpendere faciens. Secundæ diei, in quâ fecit Deus firmamentum, *Spiritus pietatis*. Quid tam pium, quam idcirco præparasse cælos, & fecisse Mundum, ut in eo fieret homo *Sapientia æternæ Patris*, & esset cum filiis hominum? Tertiæ diei, qua dixit Deus, appareat arida, id est, terra, quam ornavit herbis, plantis, fructibus *Spiritus scientiae*: oppositus spiritui tentatori dicenti primis parentibus; Eritis sicut Dii scientes bonum & malum. Quartæ diei, qua dixit Deus, fiant luminaria in firmamento cæli, nempe, Sol & Luna, *Spiritus fortitudinis*. Quid fortius Solis Lunæque operationibus & influentiis? Quintæ diei, qua dixit Deus, producantur aquæ, reptile, ac volatile, & benedixit ei dicens: Crescere, & multiplicamini, *Spiritus consilii*, qui in eo cernitur quod potentia sua effecerit, ut creatura ratione carens admiri-

admirandum in modum consuluerit posteritati suæ. Sextæ diei, quâ creatus est homo, *Spiritus intellectus*: Spiritu enim intelligentiæ replevit eum Dominus Septimæ diei, in qua requievit Creator; & cui benedixit, ac quam sanctificavit, *Spiritus Sapientiæ*, qui verè ad magnam Sapientiam adducit illum, quem docilem facit hujus dicti: *Tollite jugum meum super vos, & discite à me, quia mitis sum & humilis corde, & invenietis requiem animabus vestris.*

ARTICULUS II.

DOMVS SAPIENTIÆ

*Religiose.**Monastriuu, Claustrum, Cella.*

DOMUS Sapientiæ inquit Cardinalis Ugo Charenlis, est *Claustrum*, tu adde, *Monastrium*, *Collegium*, *Cella*. Ejus fundamentum est Paupertas: parietes, Obedientia, & continentia: altitudo Humilitas: rectum Amor fraternitatis. Septem Columnæ, sunt septem Observantiae regulares. i. Cibi ariditas. ii. Vestis austera. iii. Jejuniorum continuatio. iv. Vigiliarum protractio. v. Manuum labor. vi. Disciplinæ rigor. vii. Orationum instantia.

—(o)90—

8

Prima Pars.

K

SER. VII.